



## إزاي تسافر تتفصح بأقل ميزانية؟

كل الناس بتحتاج لوقت الاحتفال والفسح بعد تعب في الشغل طول أيام وشهور السنة من غير راحة. الاحتفال مش لازم يكون بفلوس كتير علشان يبسطك. بس السفر بيعتبر طريقة من طرق الاحتفال. لما بتفكر في السفر، اول حاجة بتيجي في بالك هي الميزانية ومصاريف السفر الكبيرة. اكيد السفر زي أي حاجة بتكلفك فلوس، بس في طرق كتير تخليه بأقل الامكانيات. في المقال ده هنتكلم علي اهم الأسئلة التي بتخطر على بالك لما تفكر في السفر؛ امتي وفين وازاي تسافر بأقل ميزانية.

### التوقيت اهم حاجة

لو كان عندك رفاهية اختيار معاد اجازتك وسفرتك، ده ممكن يساعدك كتير في توفير فلوس. مثلا هتلاقي أحسن عروض لتذاكر السفر في نص الأسبوع ودي طبعاً مش قاعدة. المسافرين اللي بيحجزوا في الوقت الصبح بيوفروا مئات الجنيهات على تذكرة أو غرفة، عكس الناس اللي بيختاروا الوقت الغلط. خليك على دراية بمواسم واجازات البلد اللي انت رايجها. اللي يعتبر موسم اجازات في بلد ممكن يعتبر وقت شغل في بلد تانية والعكس صحيح. في كتير من المواقع بتساعدك تقارن بين أنواع التذاكر في كل وقت من أوقات السنة.

### حدد اللي ممكن تصرفه

حاول تقدر حجم الفلوس اللي انت مخصصها لرحلتك علشان تقدر تحدد اولوياتك. حاول تقيم المصاريف اللي هتدفعها هناك من إقامة ومرافق واكل.

### استخدم جدول بيانات علشان تحسب ميزانيتك

استخدم جدول علشان تكتب كل الحاجات اللي هتحتاج تصرفها وعددها وتكلفتها. البيانات بتشمل: التأشيرة، الرحلات الجوية، التحويلات، الإقامة، التسوق، الاكل واحتياجاتك ومصاريفك الإضافية. ممكن تلاقى مواقع على الانترنت بتساعدك في حساب تكلفة الرحلة بالكامل بمصاريفك الشخصية أو كتابة جدول البيانات الخاص بيك في ورقة. متنساش تعمل حساب الهدايا والتذكارات. اعمل قائمة بالناس اللي هتحتاج تجلبهم هدايا قبل ماتسافر.

### مش لازم تسافر من أقرب مطار

ممكن توفر فلوس وتلاقي رحلات أرخص لما تسافر من مطارات صغيرة أو بعيدة عن مكان بيتك. مثلا لو انت عايش في القاهرة ممكن تلاقى رحلات أرخص لو سافرت من مطار ثاني في مصر. مندورش على رحلات جوية بس بالبحث على جوجل أو الاتصال بشركة طيران. هتلاقي الكثير من المواقع على الانترنت للمقارنة بين أسعار التذاكر ومواعيدها لكل شركات الطيران.

### ادفع مقدماً

حاول تحجز وتدفع الإقامة والمواصلات قبل ماتسافر باستخدام بطاقة الائتمان الخاصة بيك. الحجز مقدماً هيوصلك عروض أحسن وإمكانية المقارنة بين العروض. غير ان هو اوفر، هو برضه أسهل وأسرع. اسأل بنكك أو نقود على بطاقات مكافآت السفر. بتوفر لك مكافآت على الأميال اللي هتسافر بها غير انها بترجعك جزء من الفلوس اللي صرفتها. لمعلومات اكثر عن بطاقات مكافآت السفر اسأل نقود وممكن تتابع أسعار العملات من خلال تطبيق **نقود** أو الموقع الإلكتروني.

طبعاً السفر حاجة مكلفة بس بشوية حسابات وبحث ممكن تسافر بأقل تكلفة ممكنة. وفقاً لنظرية السعادة، سعادتك بتزيد مع الوقت لما بتصرف فلوسك على السفر. حاول تسافر وتشتري السعادة بفلوسك.